

Kommune Kujalleq

Aamma

Namminersorlutik Oqartussat akornanni

Majoriamut tapiissutinik

isumaqatissiissut

2022

Majoriamut tapiissutinik isumaqatigiissut

Inuussutissarsiornermik ilinniagaqarnermut ilitsersuinermit piginnaangorsaanermullu tunngasortaanut tunngatillugu Majoriamut tapiissutinik isumaqatigiissut

| Takussutissiaq 1 | Tapiissutit | | Atuartut |
|---|------------------|---------------------|---------------|
| | <i>kr.</i> | <i>Taarsigassat</i> | <i>Amerl.</i> |
| Ingerlatsinermit tapissutit Nanortalik | 1.432.965 | | 47 |
| Ingerlatsinermit tapissutit Narsaq | 1.387.037 | | 40 |
| Ingerlatsinermit tapissutit Qaqortoq | 1.908.546 | | 43 |
| Atuagarsornertaqanngitsumik ingerlataq* | 660.000 | x | 6 |
| Sannaviit | 2.254.266 | x | 50 |
| Katillugit | 7.642.814 | | 160 |

* Ilinniartorisassat arfinillit assigaat qaammatini pingasuni ingerlatami ilinniartut 20-t

2022-mut tamakkiisutut ingerlatsinermit tapiissutit 4.728.548 kr.-nut naatsorsorneqarput. Ulloq 1. februaari 2022-mi 3.309.984 kr. akiliutaapput. Aningaasat taakku assigaat ingerlatsinermit tapiissutit tamakkiisut 70 %-ii.

Ingerlatsinermit tapiissutini sinneruttut 30 %-it, 1.418.564 kr., 2022-mi kvartalit sisamaanni akiliutaassapput, tassani tunngavigineqassalluni isumaqatigiissutigisatut naammassisassatut angusassaq kommunimit anguneqarsimanersoq.

Ingerlatsinermit tapiissutinik illoqarfinnik immikkoortiterinerup najoqqutassaliiginnarnera malugiuk. Illoqarfinni assigiinngitsuni tamakkunani pisariaqartitsinerit tamakku malillugit aningaasaliissutit kommunip agguataarsinnaavai.

Kommunalbestyrelsip nalunaarut piffissaq eqqorlugu nassiutinngippagu, imaluunniit amigaateqartillugu nassiuppagu kingunerititatut ingerlatsinissamut tapiissutinit 30 %-it sinneruttut uninngatinneqarsinnaapput.

Ilinniartuutigisassat

Majoriami piginnaangorsagaanissamik qinnutiginnittut tigusinnaasatut amerlassusaannut ilinniartunut tapiissutit akuerineqartarput. Ilinniartuutigisassat isumaqatiginninniutaasarput, ukiumullu ataasiarluni naatsorsuutigisatut ingerlatsinissamut tapiissutinik nalunaaruteqarnermut atatillugu aalajangerneqartarlutik.

Ilinniartuutigisassat amerlassusaannik iluarsiinissamik pisariaqartitsisoqartoq kommunalbestyrelse isumaqassappat tamanna pillugu naalakkersuisoqarfimmut tunngavilersuutitaqartumik allakkatigut qinnuteqaammik kommunalbestyrelse nassiussaqaarsinnaavoq. Qinnuteqaatip imarissavai

ilinniartuutigeriikkanik atuinermut, ilinniartitsisorisanut, kiisalu inissanut tunngasutut piukkunnaatinut piginnaasaqassutsinullu tunngasutut nassuiaatit. Ilinniartuutigisassat amerlassusaannik iluarsiinissaq pillugu qinnuteqaatinik naalakkersuisoqarfik nalilersuiuartarpoq.

Agguaqatigiisillugu qaammatini qulini piginnaanngorsarfigisassanik ilinniartuutigisassanut tamakkiisunut, assigalugit ilinniartut 160-it, 2022-mut kommune akuersissuteqarfiuvoq. Tiguneqarnissaminnut piumasaqaatinik pigisaqareersunut inuit iliuusissatut pilersaarumminni ilinniakkamut tiguneqarnissaminnik kissaateqartut ilinniartutut tapiissutinik tunineqarsinnaanngillat, taamaattorli atugassarisat tamatuminnga pissusissamisoortitsissappata immikkut ittumik ilinniartumut tapiissutissanut qinnuteqartoqarsinnaavoq.

Ilinniartuutigisassatut akuerisaasut Isumaginninnermut, Suliffeqarnermut Nunamullu Namminermt Naalakkersuisoqarfillu akiligassartaasigut isumannaarfigineqassapput.

Ilinniartuutigisassap ataatsip assigaa ilinniartuq ataaseq, qaammatini qulini pissarsisoq. Tamatuma assigissavai assersuutigalugit ilinniartut marluk qaammatini tallimani ilinniartunut tapiissutinik pissarsissappata ataatsimik ilinniartuutigisaqarneq; ilinniartut tallimat qaammatini marlunni ilinniartunut tapiissutinik pissarsissappata assigissavaa ilinniartuutigisassaq ataaseq.


Atortuulerfia, piffissaq atuuffia, isumaqatigiinniaqqittarneq aamma atorunnaarsitsisarneq

Isumaqatigiissut manna ullormit 1. januaari 2022-mit atuutilerpoq, atuuffigaalu piffissaq 1. januaari 2022-31. decembari 2022.

Naammassisassatut isumaqatigiisummut matumunnga naleqqiullugu isumaqatigiisuteqarfittut piffissap iluani annertuunik allannguutit pissappata isumaqatigiisutip isumaqatiginninniutigeqqinnissaanik qaammatinik pingasunik killiliiffigisamik illua'tungeriit ataasiakkaat tamarmik piumasaqaateqarsinnaapput. Isumaqatigiisutip isumaqatigiinniutigineqaqqissinnaanerata kingunerinngilaa naammassisassatut isumaqatigiisummik unioqutitsinerit tunngavigalugit suliassanngortitsinnaanerup killilerneqarnissaa, takuuk imm. 11 naammassisassatut isumaqatigiisummi.

Minnerpaamik qaammatit arfinillit sioqqullugit kalerriutigalugu isumaqatigiisut illua'tungeriinnit tamanit atorunnaarsinneqarsinnaavoq. Isumaqatigiisut una atorunnaarsinneqassappat naammassisassatut isumaqatigiisut atorunnaasaaq.

Naammassisassatut isumaqatigiisut atorunnaarsinneqarpat una majoriamut tapiissutinik isumaqatigiisut atorunnaasaaq.

Nammanersorlutik Oqartussanut 24.03.22 

Kommune Kujallermut 15.3.22
Borgmesteri
Stine Egede